



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA TISA

Kikao cha Tatu – Tarehe 9 Februari, 2018.

Kikao Kitaanza Saa 3.00 (Tatu) Asubuhi
na Dua itasomwa.

I. HATI ZA KUWASILISHA MEZANI:

Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Hotuba ya Uwasilishaji wa Mswada wa Sheria ya Kufuta Sheria ya Adhabu, Kutunga Sheria Mpya ya Adhabu, Kuweka Masharti Bora zaidi pamoja na Mambo Mengine Yanayohusiana na Hayo.

Mwenyekiti wa Kamati ya Sheria, Utawala Bora na Idara Maalum:

Hotuba ya Maoni ya Kamati ya Sheria, Utawala Bora na Idara Maalum kuhusu Mswada wa Sheria ya Kufuta Sheria ya Adhabu, Kutunga Sheria Mpya ya Adhabu, Kuweka Masharti Bora zaidi pamoja na Mambo Mengine Yanayohusiana na Hayo.

II. MASWALI:

Ofisi ya Rais, Katiba, Sheria, Utumishi wa Umma na Utawala Bora

24. MHESHIMIWA MACHANO OTHMAN SAID (Jimbo la Mfenesini) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Pamoja na kuwepo adhabu ya kifo hapa Zanzibar, kumekuwa na mazoea ya kutokunyongwa watu waliohukumiwa adhabu ya kifo kwa miaka mingi sasa na yapo madai kwamba hata mnyongaji mwenyewe hayupo hali inayoleta mateso na simanzi kwa jamii ambazo jamaa zao wamehukumiwa kunyongwa.

- (a) Kwa kuwa adhabu hiyo inaonekana haiwezi kutekelezwa hapa Zanzibar, Je, Serikali haioni kwamba wakati umefika wa kubadilisha adhabu hiyo.
- (b) Je, ni mwaka gani wa mwisho adhabu hiyo ilitekelezwa.

Wizara ya Afya:

- 10 MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Afya:

Mhe. Rais wa Zanzibar na Mwenyekiti wa Baraza la Mapinduzi Dkt. Ali Mohamed Shein kwenye ufunguzi wa Kituo cha Afya Konde aliagiza kuwepo kwa Daktari Msaidizi "Assistant Medical Officer", kutokana na idadi ya watu wanaotumia kituo hicho na hadi leo agizo hilo bado halijafanyiwa kazi. Aidha, hakuna daktari wa meno katika kituo hicho.

- (a) Je, ni sababu gani ya kutokuwepo kwa Daktari Msaidizi kama ambavyo Rais alivyoagiza.
- (b) Je, ni lini Wizara italeta daktari wa meno katika Kituo cha Afya cha Konde ikizingatiwa kwamba kuna vifaa vya huduma ya afya ya kinywa na

meno ambavyo vipo na havina daktari wa kuvitumia.

Wizara ya Habari, Utalii, Utamaduni na Michezo:

2. MHESHIMIWA USSI YAHYA HAJI (Jimbo la Mkwajuni) – Atamuuliza Mheshimiwa Waziri wa Habari, Utalii, Utamaduni na Michezo:

Rais wa Kwanza wa Zanzibar Hayati Abeid Amani Karume chini ya Baraza la Mapinduzi aliamua kwamba nyumba iliyokuwa Chuo cha Kiislamu yaani “Muslim Academy” iwe nyumba ya kuhifadha watoto yatima. Vile vile jengo lile ni sehemu ya historia ya Uislamu hapa Zanzibar.

Je, kwa kuwa Zanzibar ina historia ya uislam, kwanini Serikali isiliweke jengo hilo kuwa kumbusho maalum linaloonesha taarifa, historia na mambo yanayowahusu Mashekhe mbalimbali waliokuwepo Zanzibar katika enzi hizo.

Wizara ya Ujenzi, Mawasiliano na Usafirishaji:

4. MHESHIMIWA MUSSA FOUM MUSSA (Jimbo la Kiwani) – Atamuuliza Mheshimiwa Waziri wa Ujenzi, Mawasiliano na Usafirishaji:

Serikali ya Mapinduzi ya Zanzibar inastahiki pongezi kwa kuchukuwa hatua za kuimarisha huduma kwa wananchi wanaoishi katika visiwa vidogo vidogo kwa kuanza ununuzi wa boti maalum (Landing Crafts) kwa ajili ya kutoa usafiri wa uhakika wa kuunganisha visiwa hivyo. Na kwa kuwa boti zimeshaanza kufikishwa katika kisiwa cha Makoongwe na Kisiwa Panza.

Je, ni lini wananchi wa Kisiwa cha Shamiani Mwambe na wao wataletewa boti hiyo.

13. MHESHIMIWA MWANAIDI KASSIM MUSSA (Nafasi za Wanawake) - Atamuuliza Mheshimiwa Waziri wa Ujenzi, Mawasiliano na Usafirishaji:

Kwa kawaida kila msimu wa mvua, maeneo ya Kibonde Mzungu panajaa maji kiasi cha kusababisha maafa mbali mbali ikiwemo vifo.

Kwa vile sasa mvua za Vuli zinanyesha na Mamlaka ya Hali ya Hewa inatahadharisha kwamba mvua zitakuwa kubwa.

- (a) Je, Wizara mmeshakwenda kuangalia hali ya Kibonde Mzungu ilivyokwisha kuharibika.
- (b) Baada ya maharibiko yaliyopita, ukarabati uliofanyika wa kujaza mchanga bila ya kufanya ukarabati madhubuti, si kupoteza fedha za Serikali bure na kuendelea kuhatarisha maisha ya wananchi.
- (c) Je, ni lini Serikali itachukua hatua madhubuti kwa kukifanyia ukarabati wa uhakika angalau kipande kile cha Kibonde Mzungu.

III. HOJA ZA SERIKALI:

Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Hotuba ya Uwasilishaji wa Mswada wa Sheria ya Kufuta Sheria ya Adhabu, Kutunga Sheria Mpya ya Adhabu, Kuweka Masharti Bora zaidi pamoja na Mambo Mengine Yanayohusiana na Hayo. – Kusomwa kwa Mara ya Pili.

Zanzibar,
9 Februari, 2018.

(Raya Issa Msellem)
KATIBU WA BARAZA.